

NË EMER TË POPULLIT

GJYKATA THEMELORE PRIZREN DEGA SUHAREKË, Gjyqtari Qemail Suka, me pjesëmarrjen e Sek. Juridike Vjollca Haziraj, në lendën penale sipas P.Th.nga Prizreni Aktakuzës **PP.nr. PP.nr.1051-3/16 te dt. 16.05.2016**, ndaj te akuzuarit V. B. na fsh. S. KK Suhareke, për shkak te veprës penale vjedhje e shërbimeve komunale nga neni 320 te KP-se, në prezencë të prokurorit te PTH-ës nga Prizreni Musli Gashi dhe te akuzuarit, në seancën e shqyrtimit gjyqësor, te mbajtur me dt.14.02.2018, mori publikisht shpalli dhe me date 14.02.18 përpilo këtë:

A K T G J Y K I M

I akuzuari V. B., nga i ati A., e ëma F., e lindur G., i lindur me dt. 09.10.1962, ne S., ku dhe tani jeton, me numër personal, i martuar, baba i 4 fëmijëve, ka te kryer shkollën fillore, punon, i gjendjes se mesme ekonomike, me pare i pa dënuar, shqiptar shtetas i Republikës se Kosovës

Ë S H T Ë F A J T O R

Se prej datës se pavërtetuar e deri me datë 11.02.2016, ne fshatin S. Komuna e Suharekës, ne shtëpinë e tij familjare , përfiton nga ndonjë shërbim komunal qe furnizohet përmes rrjetit përçues te rrymës apo rrjetit te shpërndarjes, pa autorizimin e furnizuesit te autorizuar, ne atë mënyrë qe shfrytëzon energjinë elektrike me një kabell ne mënyrë direkte jashtë njehsorit elektrik, ashtu qe energjia e shpenzuar nuk është regjistruar, me qrast ndërmarjes se dëmtuar Keds distrikti ne Prizren, i shkakton dem material.

Me këtë ka kryer veprën penale vjedhja e shërbimeve komunale nga neni 320 te KP-se.

Andaj gjykata në kuptim të nenit 41,51,52, 73,74 KP si dhe 359 parag. 1 dhe 2,dhe neni 365 KPK-se të akuzuarit, i shqipton :

D Ë N I M M E K U S H T

Duke ia vërtetuar dënimin me burgim prej 2 (dy) muajve, i cili dënim nuk do te ekzekutohen në afatin e verifikimit prej një viti nëse i akuzuari nuk kryen vepra tjera penale.

Obligohet i akuzuari qe ne emër te paushallit gjyqësor, te paguaj shumen prej 20 €, pas plotfuqishmërisë se këtij Aktgjykimi.

Udhëzohet pala e dëmtuar, **KEDS-si –Distrikti** ne Prizren qe kërkesën pasurore-juridike ta realizoje ne kontest te rregullt civil.

A r s y e t i m

PTH-e me aktakuze, **PP.nr. 1051-3/16 te dt. 16.05.2016**, kundër te akuzuarit V. B. na fsh. S., për shkak të veprës penale vjedhja e shërbimeve komunale nga neni 320 të KP-se, të cilin gjatë seancës së shqyrtimit fillestare e ka përfaqësuar PSH nga Prizreni Musli Gashi i cili në tërësi ngel pranë të dhënave si në aktakuze, që i akuzuari të shpallet fajtor dhe të dënohet sipas ligjit.

Gjykata në shqyrtimin e sotëm dhe me vet pranimin nga ana e te akuzuarit ka vërtetuar këtë gjendje faktike si në dispozitiv të këtij aktgjykimi.

Këtë gjendje faktike gjykata e ka vërtetuar nga vet pranimi i te akuzuarit i cili në shqyrtimin fillestar e ka pranuar fajësinë.

Gjykata sipas detyrës zyrtare konform nenit 257 të KPP-se në shkresat e lëndës nuk ka gjetur ndonjë prove të pa pranueshme dhe po ashtu gjykata ka vërtetuar se i akuzuari, e ka kuptuar natyrën dhe pasojat e pranimi të fajësisë, pranimi i fajit nga ana e te akuzuarit, është bërë vullnetarisht në shqyrtimin fillestar, pranimi është mbështetur në faktet e çështjes që përmban aktakuza, të cilat gjinden në shkresat e lëndës si dhe provat materiale të paraqitura ndaj te akuzuarit nga ana e PTH-se në Prizren.

Gjykata po ashtu në tërësi ka ardhur në përfundim se pranimi i fajësisë në shqyrtimin fillestar nga ana e te akuzuarit, është bërë në pajtim me dispozitat e nenit 248 të KPP-se, nga se nuk ekziston ndonjë nga arsytet dhe kushtet për hudhjen e aktakuzës, apo pushimin e procedurës penale.

Nga këto fakte të cilat i përmbanë aktakuza, Gjykata ka ardhur në përfundim se me veprimet e te akuzuarit formohen të gjitha elementet e veprës penale vjedhja e shërbimeve komunale nga neni 320 të Kodit penal, andaj Gjykata ka vendosur të akuzuarin ta shpall fajtor dhe t'ia shqiptoj dënimin si në dispozitiv të këtij aktgjykimi.

Gjykata gjatë marrjes së vendimit mbi dënimin ka vlerësuar të gjitha rrethanat në kuptim të nenit 73 të KP-se, të cilat ndikojnë në lartësinë e dënimit.

Gjykata si rrethane lehtësuese mori për bazë se i akuzuari ka pasur qëndrim korrekt ndaj Gjykatës, ka bërë pranimin e fajësisë në mënyrë vullnetare, është penduar për veprën e kryer, është hera e parë që bie ndesh me Ligjin.

Vendimi mbi kërkesën pasurore juridike e mori në kuptim të nenit 463 të KPP-se. Vendimi mbi shpenzimet e procedurës u mori në kuptim të nenit 452 paragrafi 1 të KPP-se.

GJYKATA THEMELORE PRIZREN – DEGA SUHAREKE

Gj y q t a r i
Qemail Suka

KESHILLE JURIDIKE: Kundër këtij aktgjykimi pala e pakënaqur ka të drejtë ankese në afat prej 15 dite, nga dita e marrjes së të njëjtit, Gjykatës së Apelit në Prishtinë, përmes kësaj Gjykate.